



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱԴԱՍՏՐԻ ԿՈՄԻՏԵ
Ղ Ե Կ Ա Վ Ա Ր

ք. Երևան

«30» 01 2025թ

Հ Ր Ա Մ Ա Ն N 62 Ա

ԿԱԴԱՍՏՐԻ ԿՈՄԻՏԵԻ ԱՆՇԱՐԺ ԳՈՒՅՔԻ ԳՐԱՆՑՄԱՆ ՄԻԱՍՆԱԿԱՆ
ՍՏՈՐԱԲԱԺԱՆՄԱՆ ՓՈՐՉԱԳԵՏԻ ԱՇԽԱՏԱՆՔԱՅԻՆ ԾՐԱԳԻՐԸ ՀԱՍՏԱՏԵԼՈՒ
ՄԱՍԻՆ

Ղեկավարվելով «Կառավարչական իրավահարաբերությունների կարգավորման մասին» ՀՀ օրենքի 16-րդ հոդվածի 11-րդ մասի 1-ին կետով և հիմք ընդունելով ՀՀ կառավարության 2018 թվականի օգոստոսի 2-ի N 878-Ն որոշմամբ հաստատված հավելվածի 7-րդ կետի պահանջը՝

Հ Ր Ա Մ Ա Յ ՈՒ Մ Ե Մ՝

1. Հաստատել Կադաստրի կոմիտեի Անշարժ գույքի գրանցման միասնական ստորաբաժանման փորձագետի ծրագիրը՝ Հայաստանի Հանրապետությունում անշարժ գույքի 2024-2026 թվականների հարկման բազաների ձևավորման իրականացման նպատակով, համաձայն հավելվածի:

1/30/2025

X

ՍՈՒՐԵՆ ԹՈՎՄԱՅԱՆ

Սուրեն Թովմասյան Signed by: TOVMASYAN SUREN 1201860393



ԾՐԱԳԻՐ

ԿԱԴԱՍՏՐԻ ԿՈՄԻՏԵԻ ԱՆՇԱՐԺ ԳՈՒՅՔԻ ԳՐԱՆՑՄԱՆ ՄԻԱՍՆԱԿԱՆ ՍՏՈՐԱԲԱԺԱՆՄԱՆ ՓՈՐՁԱԳԵՏԻ ԱՇԽԱՏԱՆՔՆԵՐԻ ԻՐԱԿԱՆԱՑՄԱՆ

1. Փորձագետ ներգրավելու դեպքը և հիմնավորումները

Վարչապետի 2018 թվականի հունիսի 11-ի թիվ 749-Լ որոշմամբ հաստատված Կադաստրի կոմիտեի կանոնադրությամբ Կադաստրի կոմիտեին է վերապահված անշարժ գույքի պետական միասնական կադաստրի վարումն ու կադաստրի համակարգի գործունեության ապահովման լիազորությունը: Կառավարության 2021 թվականի նոյեմբերի 18-ի ««Կառավարության 2021-2026 թվականների գործունեության միջոցառումների ծրագիրը հաստատելու մասին» N 1902-Լ որոշմամբ և «Հայաստանի Հանրապետության Հարկային Օրենսգրքի» 228 հոդված 3-րդ կետի Կադաստրի կոմիտեին է վերապահված Հայաստանի Հանրապետությունում անշարժ գույքի 2024- 2026 թվականների հարկման բազաների ձևավորման իրականացման միջոցառումը: Կառավարության 2021-2026 ծրագրի շրջանակներում նախատեսվում է Հայաստանի Հանրապետության անշարժ գույքի հարկով հարկման օբյեկտ համարվող անշարժ գույքի 2024-2026 թվականների հարկման բազաների ձևավորում, ինչը տեղական ինքնակառավարման մարմիններին հնարավորություն կտա հաշվառելու և իրականացնելու 2024-2026 թվականների անշարժ գույքի հարկի վճարումների ընդունումը:

Վերոնշյալ աշխատանքների իրականացման համար անհրաժեշտություն է առաջացել Կադաստրի կոմիտեում կանոնադրական խնդիրներից բխող որոշակի ժամկետով ծրագրի իրականացման դեպքով ներգրավել փորձագետ:

2. Աշխատանքների իրականացման ժամանակահատվածը

Սույն ծրագրով նախատեսված աշխատանքներն իրականացնելու համար փորձագետ ներգրավում է 1 /մեկ/ տարի ժամկետով:

3. Ակնկալվող արդյունքը

• վերոհիշյալ ծրագրի շրջանակներում նախատեսվում է իրականացնել 2023 թվականի հուլիսի 1-ի դրությամբ հաշվառված տվյալներով անշարժ գույքի հարկով հարկման օբյեկտ համարվող անշարժ գույքի գնահատումներ (վերագնահատումներ) և դրանց վերաբերյալ տեղեկությունները տվյալների փոխանակման փոխգործելիության հարթակի միջոցով՝ ինքնաշխատ եղանակով տրամադրում համայնքային էլեկտրոնային կառավարման միասնական հարթակի (ՀԷԿՄՀ) օպերատորին:

4. Հաշվետվություններ ներկայացնելու ժամկետը՝

Փորձագետը սույն ծրագրով հանձնարարված աշխատանքների վերաբերյալ վեց ամիսը մեկ անգամ՝ մինչև հաշվետու ամսվան հաջորդող ամսվա 5-ը, անմիջական ղեկավարին է ներկայացնում կատարված աշխատանքների վերաբերյալ հաշվետվություն:

5. Աշխատանքների գնահատման չափանիշները

Փորձագետի աշխատանքների գնահատման համար հիմք է հանդիսանում վերջինիս կողմից ներկայացված հաշվետվությունները: Կատարված աշխատանքի արդյունքը գնահատվում է բավարար, լավ կամ գերազանց:

6. Փորձագետին ներկայացվող պահանջները

Սույն ծրագրով նախատեսված աշխատանքների իրականացման համար փորձագետը պետք է ունենա՝

- Հայաստանի Հանրապետության քաղաքացիություն,
- բարձրագույն կրթություն,
- համակարգչով և ժամանակակից այլ տեխնիկական միջոցներով աշխատելու ունակություն: